

沂州府志序

沂州蓋禹貢青徐地其升為郡自雍正十二年始領一州六邑顧州邑皆有志而郡特闕如一切物情風尚與凡名臣碩彥之奇蹟異能雜見於經籍者雖尚

沂州府志

可考而求其上下古今彙為一集卒未之覲豈真倂吏少文抑操筆者之難其選也長壽李君復庵以賢能守茲土公退之暇斐然有述作之志乃延方聞之士而徵引採摭得卷三十六分

勅纂勘明史及一統志恒凜此意為

門二十有五既成問序於余余惟今之郡守即古之侯伯其志乘即侯伯之國之史自非大義謹嚴鮮不為有識所議故鄭樵以為難能曩余脩官詞苑奉

新刊府志

序

二

兢也夫考獻徵文歷朝不免而近學陋生枕經莊史或自詡賅洽踈脫實多若體例未精謬訛尤甚人之才分不可強而度量之相越亦遠也雖取辦一時難以信今而傳後今此志之作也

事核而文詳目張而經舉有開
設之美無冗濫之條蓋諸君子
才擅三長郡伯又從而增損焉
將與施武子之志會稽范致能
之志吳郡堪以並傳非徒脩採
風者之關覽且令後之人按籍

披圖瞭如指掌其裨益豈淺鮮
哉昔朱子守南康甫下車即徵
郡志論者以為急所先務余謂
若李君者非有得於先賢之遺
意者歟

乾隆庚辰春三月既望

賜博學宏詞出身通議大夫山東按

察使仁和沈廷芳謹撰



序

自雍正十二年併沂莒兩直隸州并所領縣置沂州府其境東濱海東南鄰江南之海沐宿遷西界滕泗新泰北接臨朐諸城縱橫各五百餘里蓋兼青徐二州地春秋齊魯莒邾鄆費根牟顯更陽向鄆鄆蒲姑舊城其山則有琅琊馬陵

新州府志

序

梁父云峴并艾龜蒙羽浮來馬髻萬松之勝其水則有東海之大沂沐涑洳汶墨濰渚之深且長溫湯漏澤孝源狗跑諸泉之奇而著其人則有太公望曾子仲子原子澹臺子公明儀于定國疏廣疏受蕭太傅匡稚奎貢禹劉虞諸葛瑾亮王祥王覽羊緒王導逸少子敬羊欣顏含常

山魯公劉穆之蕭穎達王褒徐陵焦弱侯之瑰偉絕特其風俗則敦龐力食桑土繁滋雖地多隄院風氣勁急唐李白廳壁記稱君子以才雄自高小人則鄙野難治此亦舊染或然今承平熙洽百數十年漸摩

聖化類皆弦歌學道愛人易使沂介南北之交固居然一望郡也戊寅春余來

新州府志

序

二

監司單車巡歷俯仰山水之崇深瞻訪昔賢之故里勞民疾苦與父老咨嗟軼事輒低徊留之不能去既而太守李君進曰是郡改置以來未有志守土者甫草創脫稿願是正之余捧而莊誦欣見其考據精詳體例嚴謹隱揚合義繁簡中節喟然曰職方掌故此稱良已至於山

川人物余向所景仰與今茲足跡不
能徧到之處皆一卧遊而晉接晤對
于一堂之上可不謂幸歟太守沂公
年於茲篤愛士民直如家人父子教
養之端無不備舉近歲癸酉丁丑郡
屬蘭山郟城等邑雨罹水患太守躬
督蠲賑極細密無漏濫民多所全活
頌聲盈耳今年疏浚芙蓉燕子臨泥

新州府志

三

等河更余目擊其胼手胝足為民遠
害而不自卹其身心之沉瘁者與夫
修文廟建耆棚勸墾荒敷六畝均堪
志以不朽東海固多循良吏而如
太守者汲長孺尹子兄而後尤卓
僅見者也余奉牒遷去不能相忘
故書此以復 峕

乾隆二十三年清和下浣

誥授資政大夫分巡兗沂曹兼黃河道陞

授湖南布政使司布政使前江蘇布
政使司布政使年家眷弟閩海許
松估撰并書

新州府志

序

四

序

沂古非郡也郡之自

本朝始先是雍正十二年總督河東王

公奏請以莒州及所屬隸於沂立沂

州府從之按其地爲齊魯鄒鄒諸境

負山距河廣袤及千里東濱於海南

沂州府志

序

控江淮青徐間一大都會也余昔奉

使岱宗登高而望東海在指顧間龜

蒙諸山蜿蜒環亘葱葱鬱鬱或曰此

古少昊氏之墟漢時爲東海琅琊地

汲長孺尹子兄所爲治者也余爲之

流連低徊者久之歲庚辰奉

命觀察魯東荷蒙

天語訓示周詳而於沂俗尤纒纒加意跪

聆之下仰見

聖天子宵旰憂勤於海隅巖郡脩厓

宸衷如此下車巡歷所部攬其山川雲物

土風民習延諸父老問所疾苦時郡

沂州府志

序

二

守蜀中李君輯郡志甫竣手一編就

質余從筍輿中讀之言約事核不漏

不支覺六邑一州歷歷在行筍中矣

夫刺史於古爲方伯連帥漢時二千

石行部以六條察舉郡國所至勸農

桑興地利採其風謠戶籍上之天子

故郡之有志猶國之有史也山川險
易異其制民俗醇澆異其治土壤剛
柔燥濕異其宜與夫古今建置沿革
名臣循吏忠孝節義之所留遺高賢
碩士勞人思婦之所歌咏大之足以

沂州府志

序

三

能一一而周悉之則施諸政事必有
裕如者何者其措之爲有本也沂爲
初設郡號稱難治李君爲政久其惠
愛在民者未可悉數顧於拊循之餘
更能徵文攷獻創爲志乘今觀其書
部署詳密綱舉目張而于田賦戶役

悉桑水利郵傳嵯政尤兢兢乎三致
意焉海濱磽瘠之鄉何以蘇民困何
以興民行整肅嚴明之道與慈祥豈
弟之思相爲表裏寧第茹古涵今足
以資掌故脩觀覽已哉令

聖天子省方問俗勤求民瘼

沂州府志

序

四

翠華所蒞減賦捐租沂之民頻沐

恩膏咸安樂利而李君是志適成於以宣

揚

聖化訓俗型民琅琊東海之間民稱質樸

而李君之治有追踪汲尹者以紓

九重東顧之殷而余亦得藉手以報焉其

於是編券之也夫

乾隆庚辰秋八月中浣

賜進士出身中憲大夫分巡山東兗沂曹

兼管水利黃河道前內閣侍讀學士

上書房行走光祿寺少卿通政使司叅議

右通政

新齊志序

五

日講官起居注翰林院侍讀學士年家眷

弟天門龔學海拜撰



叙

固官外史掌四方之志
之由未尚矣沂自改郡以
來二十餘年至今志猶闕
焉雖所領州邑不乏紀載
其山川事物分裂於昔而

新齊志序

一

統會於今舊屬於彼而新
隸於此城郭於是制度已
昨若不通一郡而彙為全
書謂非曠典與癸酉春王
余奉

簡命來守是邦取州邑志而觀

之或繁而未提其要或簡而未盡其詳求其繁簡得宜歸於體要者注之難之而距今又數十年矣此數十年中太平既洽文流覃敷凡山川之奠麗鴻雁之

浙州府志序

二

安集養衆之脩舉庠序之振興皆前志所未及也况沂為四達之區我

皇上

六飛時駕父老於此瞻雲就日焉子弟於此歡欣趨事設離宮別館以望幸焉

車轍馬跡所至頌

聖法

而被絃歌者不可勝數無以志之其何以揚法意而宣文教與竊不自揣而有纂脩之志願其事至重不敢輕舉博求郡邑之書旁

浙州府志序

三

採薦紳之論爰聘吳江學博潘小山商確攷訂閱三年脫藁統為三十六卷為多未愜繕呈臬憲重加函正復延日照丁愷曾無錫明經陳占五薛鵬程先後

釐定酌繁簡訂異同於是
幾凡起例分門以聚類挈
經以統日始得成書嘗思
馬都陽有言志者憲章之
所繫非老於典故者不能
為自分家昧不文並之簿

沂州府志序

書執掌何敢操觚以議短
長幸臬憲為之裁成又得
諸君及七屬同事將伯之
助於是沂志之紀

巡幸知遊豫之興歌次蠲次知
老雅之得所若乃分野灾

祥測天文之已驗山川疆
域辨地利之異宜与夫物
產之盈縮民俗之升降吏
治之得失文獻之存亡皆
可按籍而稽庶足以備鑒
觀之資矣異日者踵事增

沂州府志序

華以標一方之勝者則又
俟于後之君子

皆

大清乾隆二十五年歲在
庚辰花朝月之朔六日
穀旦

誥授中憲大夫知沂州府事蜀

長壽李希賢撰并書



沂州府志

序

六

序

自扶風變書作志而志於是始其於地理則辨分星
詳戶口於溝洫則分源流審利弊於食貨則紀種植
載耕桑綱舉目張燦若列眉較之八書更爲精當鄭
夾漈謂史之難莫難於志不信然乎而以施之郡邑
與史微異蓋史記天下之大不得不畧郡邑處方州
之間不得不詳而究其考核之真載筆之慎則有異
徑而同歸者沂爲海岱間一大都會而府由新設故
郡志未經脩輯自 郡憲來守茲土政治脩明百度
具舉新巖宮則人文蔚起建試院則寒士謳歌余皆
竭蹶勦事焉甲戌之秋又有纂脩府志之議蘭山爲
附郭首縣義當率先奉令而又念蘭邑之志尚仍州
乘郡志既成將邑志亦得奉爲章程以次脩舉爰集
同寅徧行採訪而與多士商確去取以就正於 郡
憲亦可以得其大要矣雖然沂之爲志較他郡倍難
他郡有舊志可稽則事主於因沂無舊志可沿則義
主於創今合七邑之志彙成一書其規模之廣大體
例之該備豈邑志所可擬哉況乎山川之參錯人物
之繁增政令之遞變倘不詳審蒐羅聽其滲漏卽官
斯土者之咎也書未成余以事罷去 郡憲謂余曰

沂州府志

序

一

聖朝鄧隆之治也已

子宰蘭邑久地方公事助我良多今志書雖未竣事而相與謀始者子也尚其勉之余以固陋力辭不獲敬識數言以附於後將見沂志之成自與扶風之意相印而後之考文徵獻者亦有以綜核時事仰見

時

乾隆二十一年歲次丙子桂月中浣原任蘭山縣知縣蒲城王塏拜譔

沂州府志

序

二

序

戊寅秋余自益都遷蘭山令憑軾問俗之暇取邑志而展玩之而知邑志卽沂州舊志也始自康熙十二年迄今事歷三世其間山州而直隸駿驟乎盛矣後復升爲府領一州六邑則規模愈宏統屬益廣爲問郡志闕如豈非以著述之難與郡憲雅意蒐羅已歷年所而大綱既定考核未詳又以七屬牧令前後遞更成書有待命余勦贊以貳其事余於志事無能爲役而托處宇下弗敢力拒爰及同僚共相參考又延博雅君子先後纂輯而郡憲爲之增損焉凡封域之沿革民物之登耗與夫忠臣孝子節婦義士之間出學校政令人文科目之遞增遺者補之訛者正之尤以沂郡地當孔道自

沂

序

一

聖祖仁皇帝履經

巡幸

宸翰寵頒百餘年來德澤優渥我

皇上勤恤郡民蠲賑而外又有惠老借給諸條而方面大臣亦復公忠體國宣布德化使無一夫失所敬登卷首以誌

聖朝寬大之仁黎庶歡騰之象然則志之所係其重且大

何如哉古者小行人以五物辨異邦國康樂和親安
平自爲一書以反命於王以周知天下之故是志也
其卽康樂和親安平之書與後之人按籍而稽既得
有所依據卽踵而修之亦載筆有由也余蒞任未久
自媿不文亦惟遵 郡憲鄭重國典其難其慎之至
意而奉令趨事以告厥成功云爾

時

乾隆二十五年歲次庚辰余月上浣蘭山縣知縣句

容沈玉琳拜譔

沂州府志

序

二

沂州府志

凡例

一沂之爲郡自雍正十二年始當日大臣建議量道里之遠
近酌時務之便宜以爲設官分職之法皆稟

詹護茲錄原議俾後之人知郡所由建焉

一海隅日出之鄉莫非沐浴膏澤之地我

朝百餘年來深仁厚澤浹髓淪肌又於

巡幸之際恩膏疊沛此謳歌所自起也謹先載筆以誌勿忘

一古人左圖右史非飾觀也論非圖不明圖非論不暢爰本

皇輿圖作沂府總圖至河道暨各州縣圖或由新定或從舊志務

沂州府志 凡例

一

使觀者瞭如指掌而牽隻分度并海防諸圖則各以類附
焉

一天道深遠未易窺測然其說不可不存故分野之宿當占
而北極北斗天市十二國星五緯日月薄蝕雲氣干支悉
載其說以俟知者論定并將躔度細分爲線庶可因度而
知其方若夫人事上應天象志或牽連以書茲不敢附會
而另紀於後

一古今沿革考核宜詳而忽彼忽此每無定所今博稽諸史
分別紀載以備參攷

一山水脈絡磅礴蜿蜒動經數十里州邑之志止載境內

例不及遠郡志自是不同今卽沂府各山大川分支之處
先記山水之脉詳其起止其中山水一以貫之至各州縣
境內小山小水則備載焉至爲大川所經雖列其名止記
其去縣若干里不復詳其脉絡若乃蘭郛一帶屢被水害
我

朝發帑修築仰淺者疏之卑者培之萬民始無昏墊而日照東
南濱海雖屬一隅其往來之道防禦之術亦不可不詳故
以水利附山川卷下而海自爲一條

一志尚簡要封建沿革古蹟爲類多門或一人而屢見一地
而互出每易繁複今志封建而地以人傳者胥入古蹟中
新州府志 凡例 二
不使重出

一國家所重者賦役今志屬賦役全書新修於乾隆二十三
年並查詳載而日照爲產鹽之地所資者廣故於物產之
外另爲鹽法一卷

一祀典或遵舊制或係新增並將新冊入庶吏民有所遵
守卽不通祀者亦錄其祭文有其舉之莫敢廢也

一職官仕進歷代之制不同至其時方稱其名此史體也茲
爲分別時代列其姓氏以忘之而功績在民者則入宦蹟
志行誼卓越者則入人物志

一各州縣舊志具備惟衛所志書闕如其職官人物皆不可

沒因購得前朝沂州志并安東衛志以備採取庶一
存焉

一沂爲南北咽喉山左鎖鑰武備不可弛也自明以來兵制
通改一切員弁或裁或設其可考者悉備載之以見安不
忘危之意

一人物一志表微闡幽古人已有定案無論矣其近時諸賢
必俟各縣詳悉核正然後開送姓名再加訪問果無遺議
方錄入志

一沂郡七屬諸儒著作不少其哀然成書者繁不勝載今將
諸儒所著並錄其目而後學成書已刊刻行世者附之其
沂州府志 凡例 三
餘散篇或係此地之人文或關一方之休戚方爲纂入不
然雖工弗錄

沂州府志

沂州府志

纂修姓氏

知府加七級四川長壽李希賢
水利河務同知河南祥符邵隨龍
督捕水利通判滿洲鑲藍旂圖敏
原任蘭山縣知縣陝西蒲城王塏
蘭山縣知縣江南句容沈玉琳
郯城縣知縣山西高平牛宗文
費縣知縣直隸南宮王國棟
莒州知州湖廣鄖陽趙晉基
沂水縣知縣漢軍正黃旗大章
蒙陰縣知縣江西廣昌魏運嘉
日照縣知縣四川中江李綬
纂修
江南揚州府寶應縣舉人潘遇莘
日照縣癸卯拔貢生丁愷曾
分修
江南常州府無錫縣舉人薛鵬程
府學教授壬申利進士鉅野魏起鳳
採輯
蘭山縣進士涓渾縣知縣孫熊兆

沂州府志

纂修姓氏

沂水縣進士候補銓知縣劉紹武
日照縣歲貢候補銓知縣陳鴻倫
沂水縣恩貢候補銓教諭趙元顯
日照縣歲貢原任萊陽縣訓導蘇法曾
蘭山縣候補選州同王者任
蘭山縣廩膳生員徐汝尚
蘭山縣廩膳生員周錦
蘭山縣廩膳生員歐陽洛
蘭山縣廩膳生員周玫
蘭山縣增廣生員王懷
郯城縣廩膳生員丁允達
郯城縣廩膳生員倪兆行
費縣廩膳生員李夢麟
蒙陰縣廩膳生員王廣大
蒙陰縣廩膳生員公沂
蒙陰縣廩膳生員秦敦彥
蒙陰縣廩膳生員秦克振
蒙陰縣廩膳生員宋廷珠
蒙陰縣廩膳生員齊策
日照縣廩膳生員牟希濂

沂州府志目錄

卷首

建府原議

紀

巡幸

紀

蠲賜

輿圖

卷一

天象

沂州府志

目錄

沿革

輿地一

疆域

卷二

輿地二

山川

卷三

輿地三

水利

卷四

輿地四

海形勝 風俗

卷五

輿地五

城池 衙署 倉儲 郵政附

卷六

輿地六

鄉社 市集附

卷七

輿地七

封建 古蹟 邱墓

卷八

食貨一

戶口田賦上

卷九

食貨二

戶口田賦中

卷十

食貨三

戶口田賦下

沂州府志

目錄

卷十一

食貨四

物產

卷十二

食貨五

鹽法

卷十三

學校

試院書院社學附

卷十四

秩祀

附寺觀

卷十五

紀事上

自唐虞至明

卷十六

紀事下 國朝

卷十七

職官上 自周至 本朝建府前各職官
沂州府 附前沂州并衛世職

卷十八

職官中 蘭山 郯城 費縣

卷十九

職官下 莒州 附莒州所世職 沂水 蒙陰
日照 附安東衛世職并 本朝各官

卷二十

宦蹟

沂州府志 目錄

三

卷二十一

兵防 營汛 武職 墩臺 驛遞 郵舖附

卷二十二

仕進上 徵辟 進士 舉人

卷二十三

仕進中 貢士

卷二十四

仕進下 武科第 雜途 武弁 封廕

卷二十五

事物上 先賢 功勳

卷二十六

人物中 忠節 孝友 耆德 義士

卷二十七

人物下 經學 文學 隱逸 方技 方外 流寓

卷二十八

列女上

卷二十九

列女下

卷三十

藝文 著書目

沂州府志 目錄

四

卷三十一

藝文 文 自周至元

卷三十二

藝文 明文

卷三十三

藝文 國朝文

卷三十四

藝文 古詩

卷三十五

藝文 近體詩 賦

府志卷之首

建府原議

古者建邦啓土或以戶口或以道里或以山川形勢其制不同所以經國家定人民利社稷則一也沂州依古以來建國設郡幾經更變自明而後統於兗州雍正年間改爲府治作鎮南北控據上游誠巍然雄邦哉儒者推求建府之故或不得其要領今輯府志故以原議載於卷首

雍正十二年河東總督王士俊等題爲請酌設府縣以專責成以裨政治事山東沂州爲江浙數省通衢東南第一門戶兼之本本地四至開廣幾及千里事務殷繁日不暇給卽本州一州之

沂州府志

卷之首

建府原議

一

事以一人專理恒慮竭蹶不遑自改直隸州以來復管轄鄰費二縣實有顧此失彼之虞應請將沂州直隸州改爲沂州府設立知府一員附郭設立知縣一員專司縣事該府管轄附郭一縣並鄰費二縣外查有毗連之直隸莒州並所屬之沂水蒙陰日照等三縣界址與沂州緊相接壤均應歸新府管轄莒州無庸再設直隸州名目其應設同知通判首領等官查沂州並無黃運河務亦無徵收漕糧止須添設通判一員督緝私鹽逃盜兼管水利足資佐理其現設之沂鄉海鹽同知一員駐劄郯城專司河務例聽南北河臣調遣應仍照舊歸兗州府統轄再添設首領府經歷一員司獄一員其新縣應設佐雜等官查沂

旨依議欽此

奉

州原有州同一員吏目一員學正一員訓導一員應將州同改爲縣丞吏目改爲典史學正改爲教授卽將裁缺之現任州同吏目學正分管縣丞典史教授事務仍以原銜陞轉俟各員任滿歸部銓選訓導卽改爲縣學無庸另行增添亦無庸另建學宮做照江南省徐州改府設縣一案府縣同在學官肄業祭祀其新設沂州府知府應歸兗沂曹道管轄又疏稱現在沂州建造道署已報興工應卽改爲府署至沂州原有巡檢一員李家莊徐公店二驛驛丞併存城驛馬均應歸併附郭之縣管轄再沂州併州同吏目原有衙署改爲新縣縣丞典史衙署倉廩監庫俱歸新縣管理其應建通判經歷司獄衙署府庫監獄及應

沂州府志

卷之首

建府原議

二

設各官役俸工並文武生員考試事宜又兗州府應建道署統俟部覆到日另勘估議經部議准於雍正十二年七月十八日